

**Vischnaunca da Sumvitg**

---

**Ordinaziun  
dismessa aua piarsa**

## **C u n t e g n**

---

Art. 1	Dretg surordinau	3
Art. 2	Survigilader	3
Art. 3	Novs indrezs da canalisaziun	3
Art. 4	Plan general da canalisaziun	4
Art. 5	Collaboraziun cun la serenera Zavrugia	4
Art. 6	Vigur	4

Sebasond sil reglament per la dismessa dallas auas piarsas relai la suprastanza communal la suandonta ordinaziun.

### **Art. 1 Dretg surordinau**

Las prescripciuns dil reglament per la dismessa dallas auas piarsas ston vegnir risguardadas.

### **Art. 2 Survigilader**

<sup>1</sup> Las corporaziuns d'aua Sumvitg/S. Benedetg, Rabiun, Surrein/Val, Cumpadials/Clavadi e Laus elegian mintgina in survegilader per ils implonts da canalisaziun sin intschess dalla corporaziun ed annunzian quel alla suprastanza communal.

<sup>2</sup> Il survegilader execuescha las controllas e lavurs necessarias tenor ina gliesta che vegn redegida per mintga corporaziun entras il gerau responsabel ensemen cun il president dalla corporaziun.

<sup>3</sup> Ils implonts da canalisaziun che vegnan survegilai ein:

- la reit da canalisaziun publica,
- ils tumbins da controlla ed ev. tumbins specials,
- tumbins da rimnada,
- las tschaffadas da dutgs,
- las sbuccadas el Rein resp. en dutgs.

<sup>4</sup> Pintgas lavurs da manteniment vegnan executadas tenor pusseivladad entras il survegilader. Reparaturas e lavurs che san vegnir executadas mo entras fatschentas specializadas ston vegnir annunziadas al gerau responsabel che surdat l'incarica persuerter.

<sup>5</sup> Lavar ora las canalisaziuns ed ils tumbins, tschitschar ora ils tumbins da rimnada, ils tumbins specials (zavraders d'ieli, e.a.v.) e svidar las tschaffadas dils dutgs ei caussa dalla vischnaunca. Il survegilader fa attents il gerau responsabel sin la necessitad da talas lavurs.

<sup>6</sup> Disturbis e donns annunzia il survegilader ladinamein al gerau responsabel.

<sup>7</sup> Il survegilader meina in rapport da lavur che vegn surdaus alla fin digl onn al gerau responsabel per visar.

<sup>8</sup> Il survegilader vegn indemnissaus entras la vischnaunca tenor art. 6 dil reglament da salarisaziun (lavur cumina).

### **Art. 3 Novs indrezs da canalisaziun**

<sup>1</sup> Tier baghetgs novs sco era tier sanaziuns da baghetgs existents fixescha la cumissiun da baghegiar ella lubientscha da baghegiar la colligiaziun cun ils conducts da canalisaziun publics sco era ev. sfundreras.

<sup>2</sup> Tut ils indrezs da canalisaziun publics e privats sco drenaschas, lingias, tumbins, sfunderas, e.a.v. che vegnan construi da niev ston vegnir annunziai entras il proprietari alla cumissiun da baghegiar avon che cuvierer en tals. La cumissiun da baghegiar controllescha la construcziun e la colligiaziun cun ils conducts da canalisaziun previ e procura ch'igl implont vegni tschaffaus en ina skizza che survescha alla completaziun dil cataster da conducts.

#### **Art. 4 Plan general da canalisaziun**

<sup>1</sup> La suprastonza communal ei responsabla per il plan general da canalisaziun. Il cataster da conducts che fuorma ina part dil plan general da canalisaziun cuntegn el minimum tuttas lingias principalas e tut ils indrezs specials dalla canalisaziun cun las indicaziuns necessarias per la survigilanza ed il manteniment e sto vegnir menaus suenter periodicamein.

<sup>2</sup> Informaziuns sur dil cataster da conducts sco era copias ed extracts da plans san vegnir retratgts dalla canzlia ni dil planisader incaricaus cul cataster da conducts.

#### **Art. 5 Collaboraziun cun la serenera Zavrugia**

<sup>1</sup> La collaboraziun cun la serenera Zavrugia e ses representants succeda tenor il contract da menaschi dil consorzi serenera Zavrugia.

<sup>2</sup> La suprastonza communal annunzia ils survigiladers dalla canalisaziun dallas singulas corporaziuns al cau dalla serenera.

#### **Art. 6 Vigur**


Questa ordinaziun ei vegnida approvada dalla suprastonza communal ella seduta dils 06-12-1999 e passa en vigur culs 01-01-2000.

Il president communal:



Placi Michèl Wenzin

Igl actuar communal:



Martin Monn